



## Publicaziuns dalla vischnaunca, jamna 10

### Damonda da bagheggiar

**2019-1029.001**

#### Datum dalla publicaziun: 6 da mars

Il patrun: Clemens Berther-Bearth, Via Salez 3, 7186 Segnas

Il representant: Clemens Berther-Bearth, Via Salez 3, 7186 Segnas

Object: Midada da project: travestgir da niev il baghetg ed integrar finiastras novas, niev balcun, niev indrez fotovoltaic, nova pumpa da calira d'aria vid igl edifeci nr. 390, parcella 60, Via Salez 5, 7186 Segnas

#### Protestas:

Ils plans da construcziun ein deponi en casa communal, stanza da publicaziuns (nr. 10), Via Cons 2, 7180 Disentis/Mustér. L'investa publica cuoza 20 dis dapi il datum dalla publicaziun, duront las uras da spurtegl dall'administraziun communal. Eventualas protestas encunter sura damonda da bagheggiar ein d'inoltrar a scret enteifer 20 dis all'instanza da bagheggiar, caum postal 57, 7180 Disentis/Mustér. La protesta sto esser motivada e suertascreta dil recurrent ni da siu representant.

Disentis/Mustér, ils 6 da mars 2020

*Uffeci da bagheggiar Disentis/Mustér*

---

### Cussegl da vischnaunca

#### Rapport dalla seduta dils 28-2-2020

En sia seduta dils 28 da fevrer 2020 ha il cussegl da vischnaunca, sut il tgamun da Mario Flepp, tractau pliras fatschentas.

Sco suppleant da dumbravuschs ei cusseglier Armin Berther vegnius eligius. El remplazza cusseglier Giusep Lozza ch'ei vegnius eligius sco vicepresident dil cussegl da vischnaunca per 2020.

Il cussegl ha approbau il project per la sanaziun della canalisaziun existenta, auas piarsas ed aua tschuffa, per la sanaziun e cumpletaziun dall'illuminaziun publica e per la renovaziun dils posts per la rimnada da rumians ad Acletta vitg e concediu per quei intent in credit da frs. 394 000.–.

Plinavon ha il parlament communal decidiu da buca entrar e tractar la lescha davart igl uorden ed il ruaus public sco era l'ordinaziun da castitgs tier quella lescha.

#### Elecziuns communalas 2020

Quest atun han liug las elecziuns communalas dils organs communals per la perioda d'uffeci 2021/2024.

Il termin d'abdicaziun ei fixaus sin ils 26 da zercladur 2020.

Il president communal **Robert Cajacob** ei sedecidius da buca candidar per in'ulteriura perioda d'uffeci e vul cun comunicar quei gia ussa possibiliter dad ir ladinamein alla tscherca d'ina successura ni d'in successur. Plinavon ha era gerau **Victor Flepp** comunicau da buca pli star a disposiziun per ina reelecziun.

*Suprastanza communal*

---

### Referendum facultativ

A caschun da sia seduta dils 13 da settember 2019 ha il cussegl da vischnaunca approbau unanimamein in credit net da frs. 394 000.– per realisar il project da canalisaziun a Raveras.

Conform ad art. 21 lit. c dalla constituziun communalia ei quella decisiun suittamessa al referendum facultativ.

Il messadi davart quella fatschenta ei exponius per investa en casa communalia (stanza nr. 10).

Enteifer 20 dis dapi la publicaziun ufficiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastanza communal*



## Elecziuns communalas 2020

Quest atun han liug las elecziuns dils organs communals per la perioda d'uffeci 2021/2024. Per quellas elecziuns ha la suprastanza communalia fixau ils suandonts datums:

### a) Termin d'abdicaziun

Il termin d'abdicaziun per il cusselg da vischunaunca, la suprastanza communalia, il cusselg da scola, la cumissiun da gestiun sco era per tuttas ulteriuras cumissiuns e delegaziuns ei vegnius fixaus sin **venderdis, ils 26 da zercladur 2020**. Suenter quei termin vegnan las demissiuns publicadas el «Fegl ufficial dalla Surselva».

### b) Termin per inoltrar proposas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun proposas per candidatas e candidats. Las proposas ein da far en secret e d'inoltrar entochen **venderdis, ils 28 d'uost 2020**, all'administraziun communalia. Ufficials che han buca demissiunau valan sco proponi.

### c) Termin per las elecziuns

Las elecziuns dils commembers dil cusselg da vischunaunca, dalla suprastanza communalia, dil cusselg da scola e dalla cumissiun da gestiun han liug **dumengia, ils 27 da settember 2020**. Las elecziuns da tuttas ulteriuras cumissiuns succedan pli tard entras ils gremis cumpetents.

*Suprastanza communalia*

---

## Controlla da habitonts

### Naschientscha

Roswitha von Dellemann, naschida ils 20 da fevrer 2020, feglia da Johanna Maria Wüthrich e Michael von Dellemann

---

## Clom d'urgenza 118

Preziadas vischinas, prezai vischins

S'Imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun. Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professiunal arriva il pli spert pusseivel sil plaz. Engraziel per Vies sustegn!

*Vos Pumpiers Sursassiala*

---

## Nossa scola populara Mustér

### Dis dallas portas aviartas 2020

Geniturs ed autres persunas interessadas han la pusseivladad da visitar lur affons duront l'instrucziun, e quei sco suonda:

**mesjamna, ils 25 da mars 2020 (7.45–11.10 (12.00))**

**gievgia, ils 26 da mars 2020 (7.45–16.15)**

**venderdis, ils 27 da mars 2020 (7.45–16.15)**

Per evitar malruaus giavischein nus da visitar l'entira lecziun. Ils affons e las persunas d'instrucziun selegran da Vossa viseta! Ils uraris da tuttas classas anfleis Vus sin nossa pagina d'internet: [www.scoladisentis.ch](http://www.scoladisentis.ch)



Sin bien seveser e cordials salids!

*Nossa scola populara Mustér*

---

### Entrada anticipada en scoletta

Mintgamai igl uost entran ils affons che han cumpleniu il tschunavel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon.

In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla grupper d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta.

Dapli informazions survegnan geniturs interessai tiel meinascola Roger Tuor (081 936 44 25, [meinascola@scoladisentis.ch](mailto:meinascola@scoladisentis.ch)). Annunzias san vegnir inoltradas tochen ils 13 da mars 2020. Annunzias suenter quei termin san buca pli vegnir risguardadas.

Cordials salids

*Nossa scola populara Mustér*

---

### Apparat d'udida

**Gliendisdis, ils 9 da mars 2020** saveis Vus schar schubergiar e rugalar Vies apparat d'udida:

09.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi surprendan communablamein quei survetsch gratuit per tuts interessents. Ei drova negina annunzia.

---

### Uniun da gymnastica UGM

Invitaziun alla radunanza generala, **venderdis, ils 6 da mars 2020** allas 19.30 el hotel «Alpsu». Suenter la radunanza vogn offeriu l'usitada tscheina.

*La suprastonza*

---

### Absage «Der Fels und das Schwert»

Das kantonale Gesundheitsamt hat im Kanton Graubünden alle überregionalen Veranstaltungen **bis 15. März verboten**. Dies geht so weit, dass Versammlungen mit nur 40 Personen nicht stattfinden dürfen. Aufgrund der Entwicklung von Infizierten mit dem Coronavirus ist die Wahrscheinlichkeit sehr hoch, dass das Verbot über den 15. März verlängert wird. Aus diesem Grund finden die Aufführungen des Festspiels «Der Fels und das Schwert» nicht statt.

Ob die Aufführungen zu einem späteren Zeitpunkt doch noch stattfinden, wird noch abgeklärt.  
Cordial salids

*Andreas Marte*



## Klausur und Kulturzentrum Kloster Disentis

### Frühlingsbrunch am 22. März 2020

Spezialitäten aus dem Kloster und der Umgebung ab 10.30 Uhr in der «Stiva Sogn Placi».

---

### Negins «Cafés rumantschs» entochen ils 15 da mars

Sin fundament dils svilups en connex cul coronavirus ei la Lia Rumantscha sedecidida da dir giu las occurrentzas dils «Cafés rumantschs» **entochen ils 15 da mars**. Aschia vul ella evitar che las participontas ed ils participonts vegnien exponi a rescas nunnecessarias. Pertuccai da quella decisiun ein ils «Cafés rumantschs» a Laax (10-3-2020) e Mustér (13-3-2020). Engraziel fetg per la capientscha e sin seveser tier ina proxima sentupada.

*Lia Rumantscha e cafetieras e  
cafetiers dils «Cafés rumantschs»*

---

### Kinderkino Cinema Salaplauna

#### «Shaun das Schaf – Ufo-Alarm» (UK 2018)

**Mittwoch, 11. März**, Center sursilvan d'agricultura, Disentis/Mustér. Seltsame Lichter über dem verschlafenen Städtchen Mossingham kündigen die Ankunft eines geheimnisvollen Besuchers aus einer fernen Galaxie an. Shaun das Schaf hat aber ganz andere Dinge im Kopf. Doch als plötzlich ein ebenso lustiges wie übernatürliches Mädchen mit ihrem Ufo in der Nähe der Farm bruchlandet, erkennt Shaun sofort die einmalige Chance: Mit Hilfe der Ausserirdischen kann er jede Menge neue Spässe und Abenteuer anstellen! Gleichzeitig ist es aber auch der Beginn der Mission, die Ausserirdische wieder sicher nach Hause zu bringen. Ein Film für die ganze Familie! Türöffnung 15.30 Uhr, Filmstart 16 Uhr. Eintritt frei, Kollekte.

---

### Cinema Salaplauna

#### «Where we belong» (CH 2019)

**Mittwoch, 11. März**, Center sursilvan d'agricultura, Disentis/Mustér. Eltern trennen sich. Aus einer vermeintlichen Einheit entstehen zwei Welten. Wie gehen Kinder damit um? Regisseurin Jacqueline Zünd gibt ihnen Raum für das, was oft unausgesprochen bleibt. Aufrichtig und mit beeindruckender Klarheit schildern die Kinder ihre Gedanken, analysieren nicht nur ihre eigenen Gefühle, sondern auch die ihrer Eltern. Der inhaltlich sowie künstlerisch starke Film zeigt, wie zerbrechlich Kinder sind – aber auch wie mutig, intelligent und erfrischend humorvoll sie sich dem Leben stellen. Türöffnung ab 19.30 Uhr, Filmstart 20 Uhr. Eintritt frei, Kollekte.

---

### Seniora-Ca

**L'occurrenza da gievgia, ils 12 da mars 2020 vegn annullada.** Nus desistin il mument d'occurrenzas publicas.

Bien engraziamenti per Vossa capientscha.

*Post d'informaziun Seniora-Ca*

---

### Gruppa da teater Mustér (Informaziun)

Muort il virus corona e las indicaziuns dil cantun Grischun, vegnan las producziuns da teater «Ina notg fatala» buca menadas atras el meins mars sco publicau. Mobein menein nus atras nies toc da teater il meins da **matg 2020**. Ils novs datums vegnan publicai sur edecom.ch ed era sur las medias.



In grond engraziament per Vossa capientscha.

---

### Uniun samaritana Mustér

Nies proxim exercezi meinsil ha liug **gliendisdis, ils 9 da mars 2020**, allas 19.30 en casa da scola a Mustér. Tgi che ha interess e marveglia da fuffergnar inaga tier nus ei cordialmein envidaus tier quei exercezi. Sperond sin stedia participaziun salida

*Martina*

---

### Biblioteca populara Disentis/Mustér e contuorn

**Renunzia dil kino da cudisch da maletgs cun Mats, la miur dils 13 da mars 2020 en la Biblioteca populara Disentis/Mustér e contuorn**

Muort la situaziun actuala essan nus sedecidi da buca menar atras l'occurrenza da Mats da venderdis, ils 13 da mars 2020. Nus sperein sin Vossa capientscha e selegrein puspei sin in'autra ga.

*Il team dalla biblioteca cun Mats, la miur*

---

### Club da tennis Mustér

**Invitaziun alla radunanza generala, venderdis, ils 13 da mars 2020, allas 19.00 ell'ustria «Rhätia» a Mustér**

#### **Giesta da tractandas:**

1. Beinvegni
  2. Elecziun dumbravuschs
  3. Protocol dalla radunanza generala dils 15 da mars 2019
  4. Rapports
    - President
    - Interclub
    - Meinturnier
    - Juniors
  5. Quen 2019 e rapport dils revisurs
  6. Contribuziuns annualas
  7. Budget 2020
  8. Elecziuns
    - actuar
    - cassier
    - cau da juniors
    - in/a revisur/a da quen
  9. Program da stad
  10. Varia
- Cordialmein envida

*Suprastanza dil club da tennis Mustér*

---